



贊

督學使者漢中張鳳翮謹

序



周易正義序

唐國子祭酒

護軍曲阜縣開國子臣孔穎達奉

勅撰

夫易者象也爻者效也聖人有以仰觀俯察象天地而

育羣品雲行雨施教四時以生萬物若用之以順則

兩儀序而百物和若行之以逆則六位傾而五行亂

故王者動必則天地之道不使一物失其性行必協

陰陽之宜不使一物受其害故能彌綸宇宙酬酢神

明宗社所以无窮風聲所以不朽非夫道極玄妙孰

能與於此乎斯乃乾坤之大造生靈之所益也若夫